

Powšitkowne WOZJEWJENJA

njedźelu, 15. februara 2026

Dodatny mision w Radworju

Lěto po misionje přeprošuje Radworska wosada na dodatny mision z patrami Hünfeldskich oblatow. Tón zahaja pjatk, 27. februara, we 18.30 hodź. z Božej mšu w cyrkwi. Po tym su wšitcy na zetkanje na farje prošeni. Nazajtra swjeća we 8.00 hodź. Božu mšu. Sćěhuje dopołdnjo za firmujomnych Radworskeje wosady. Džěci změja wot 15.00 do 16.30 hodź. zhromadne popołdnjo. Pod hesłom „Štóz wěri, njeje sam – duchowny wječor z misionarami w Radworju“ změja wšitke starobne skupiny wječorne zarjadowanje. Zhromadny spočatk budže w 20.00 hodź. Wuraznje su tež wěriwi ze wšitkich serbskich wosadow prošeni, wosebje młodostni. Njedźelu, 1. měrca, změja w 7.30 hodź. Božu mšu w Zdžěri a w 9.30 hodź. w Radworju.

Zetkanje samostejacych

Samostejacy ze serbskich wosadow su na swoje lětuše přenje zetkanje wutoru, 10. měrca, w 14.00 hodź. do Smochčanskeho kubłanišća swjateho Bena přeprošeni. Zajimcy njech so hač do wutory, 3. měrca, w redakciji Katolskeho Posoła přizjewja, telefonowe čisło (0 35 91) 55 02 12. Dalši zajimcy, kotřiž njejsu samostejacy, su tohorunja wutrobnje witani. Kóždy njech sej Wosadnik sobu přinjese. Štóz chce wotewzaty być, njech to prošu zdžěli.

Ekumeniski póstny seminar w Smochćicach

Pod hesłom „Najebać wšeho ... za cyrkej rady skutkować“ wotměje so tež lětsa w Smochčanskim kubłanišću swjateho Bena ekumeniski póstny seminar. Po přěních štyrjoch póndželach póstneho časa su wospjet štyri zarjadowanja planowane. Započatk je stajnje w 19.30 hodź.

Na přěnim zarjadowanju póndželu, 23. februara, přednošuje dr. Tobias Kläden z Erfurta k temje „Mjez eroziju a relewancu – 6. naprašowanje mjez čłonami cyrkwjow“. Hósć tydźeń pozdžišo, póndželu, 2. měrca, je profesor dr. Eberhard Tiefensee z Lipska. Hesło jeho přednoška rěka „Pokleće abo žohnowanje – Sekularizacija wčera a džensa“. Na třěcim wječorku póndželu, 9. měrca, přednošuja dr. Benjamin Stahl a Marlen Rüdiger z Großhartauwa a Norman Reitner z Drježdźan k temje „Wosada w rozmachu – wožiwjena wěra/cyrkej“. Z filmowym wječorkom póndželu, 16. měrca, so rjad skónči. Na wšitke zarjadowanja přeprošuja Ewangelsko-lutherski cyrkwinski wobwod Budyšin-Kamjenc, Budyski dekanat, Towarstwo Cyrila a Metoda z.t. kaž tež Sakski katolski zwjazk za kubłanje dorosćenych (KEBS). Zastup je darmotny.

Hudźbne dalekubłanje

Drježdźansko-Mišnjanske biskopstwo přeprošuje wšěch, kotřiž čestnohamtsce w chórach spěwaja, je nawjeduja, w cyrkwi kantorja, abo na instrumentach hraja respektiwne chcedža to přichodnje rady činić, na dalekubłanje. Wone budže wot pjatka, 27. februara, do njedzele, 1. měrca, w Smochčanskim kubłanišću swjateho Bena. Za to měli so do toho přizjewić. Link na to a wjace informacijow nańdu pod www.posol.de.

Lětsa tři putniske jězby do Erfurta, sewjerneje Němskeje a Awstriskeje

Na tři putniske jězby přeprošuje Radworske Šmitec-Schwarzec wozydłownistwo lětsa w běhu lěta. Prěnja powjedže wot pjatka do wutory, 26. do 30. junija, (wot wozydłownistwa korigowany termin) na pasionske hry do awstriskeho St. Margarethena. Nimo toho poskićuja kołoježby.

Lětuša serbska putniska jězba pod hesłom „Wěra zetka hudźbu“ budže wot póndžele do štwórtka, 10. do 13. awgusta. W Erfurće wopytaja wobdźělnicy mjez druhim klóšter awgustinow a tamniši měšniški seminar. Dale wobdźěla so na Erfurtskich domowych swjedženskich hrach, hdžež předstaja musical „Jesus Christus Superstar“. Zdobom zarjadowuje Drježdžansko-Mišnjanske biskopstwo wot srjedy, 30. septembra, do njedžele, 4. oktobra, chórowe putnikowanje do Greifswalda, Stralsunda kaž tež na kupu Usedom. Dny wobsahuja zhromadne proby a Bože služby. Na jězby wobdźělić móža so wšitcy, kiž rady spěwaja, byrnjež člonoj chórow njebyli, runje tak kaž wšitcy, kotřiž njespěwaja, ale chcedža křesćansku zhromadnosć dožiwić. Přizjewjenja přijimuje Šmitec-Schwarzec wozydłownistwo, telefonowe čisło (03 59 35) 28 60.

Putniska jězba do Israela

Pod hesłom „Zhromadnje po puću“ steji putniska jězba do Israela, kotraž wotměje so wot póndžele do póndžele, 2. do 9. nowembra. Přewodźeć budu ju cistercienski pater dr. Johannes Müller z klóštra Marijineje hwězdy a Enrico Scholze z Hellendorfa. Jězbu poskića zhromadnje z pućowanskim běrowom Scuba-Reisen ze Stuttgarta. Přizjewjenja su hač do pjatka, 7. awgusta, móžne. Ličba městnow je wobmjezowana. Link k nadrobnějším informacijam je pod www.posol.de podaty.

Serbske blido w Kölnje

Serbja z Kölna a wokoliny zetkaja so sobotu, 21. februara, wot 18.00 do 20.00 hodź. w bistrje Wallczka na Kyffhäuserowej 50 w měsće nad Rynom. Chcedža tam tak mjenowane Serbske blido załožiť. Prěni napoj budže darmotny.

Serbja w srjedźišću

Tradicije Serbow a jich džensniše žiwjenje steja w srjedźišću dalšeho zarjadowanja w rjedže „Přijomnosć & kultura“ w klóšterskej kofejowni swjateho Michała w Pančicach-Kukowje. Wone wotměje so sobotu, 21. februara. Započatk je w 17.00 hodź. Referent budže předsyda Domowiny Dawid Statnik. Zastupne lisćiki za plaćiznu 30 eurow dóstanu zajimcy jeničce w předpredani w klóšterskej pjekarni kaž tež kofejowni swjateho Michała, telefonowe čisło (03 57 96) 9 94 43.

Wo temach pisać, wo kotrychž hewak nchtó njerěči

Projekt „Wobydlerjo činja žurnalizm“ Lipsčanskeje uniwersity přeprošuje wosoby wot 18 lět ze Sakskeje, so z wobydlerskim žurnalistom stać a wo temach ze swojeho regiona rozprawjeć, wo kotrychž hewak nchtó njerěči. Wobdźělenje je darmotne, nježada sej žane předznajomosće, ma so derje z powołanjom a swójbu zjednočić dać. Planowane su džěłarnički k žurnalistiskemu rjemjeslniskemu gratej, podpěra přez profesionalneho žurnalistu a wozjewjenje tutych přinoškow. Projekt zahaji so w měrcu 2026 w Kamjencu, Budyšinje a Wojerecach. Trać ma wón dohromady něhdže tři měsacy. Na dwěmaj abo třoch sobotach sposrědkuja zakłady. Dalše krótke zetkanja budu digitalne. Wobdźělenje je darmotne. Zajimcy měli so hač do soboty, 28. februara, z mejlku na buergerjournalismus@uni-leipzig.de přizjewić. Městna su wobmjezowane. Wjace pod www.posol.de.

Chorych a mrějacych přewodžeć nawuknyć

Ambulantna hospicna služba Hornjołužiskeho zwjazka Carity z.t. w Kamjencu poski-
čuje lětsa zaso kurs k čestnohamtskemu přewodženju ćežkochorych a mrějacych.
Za to trěbnu wědu posrědkuja w zakładnym kursu, kotryž wotměje so wot 4. měrca hač
do 18. apryla trójce srjedu wot 17.00 do 20.00 hodź. kaž tež trójce sobotu wot 9.00 do
15.00 hodź. Na to scěhuje dohromady 20hodźinski praktikum z dalšimi štyrjomi zetka-
njemi. Pohłubšacy kurs je w septembru planowany. Štóz chcył wukubłanje absolwować,
měł so pola hospicneje služby Carity w Kamjencu pod telefonowym čislom (0 35 78)
37 43 12 abo z mejlku na hospiz@caritas-oberlausitz.de přizjewić. Flajer z dalšimi infor-
macijemi a terminami je pod www.posol.de podaty.